

罪

惟

錄

罪惟錄志卷之二

曆志總論

按九州上應分野。則驗曆定以古帝王受命之處為主。從此測探天與地合。動靜不渝。此中國之所以尊於諸徼也。觀西粵滇黔迤遠。尚多有不當列宿之處。或冒畢星不微。記載顧自曰。以迄西域。道里益回。迷定非正。應俯仰既偏。測驗何據。乃議曆者必歸焉。以為其術中國之書所未備。則何也。曆者數學也。地當金。秋氣肅。慮清言天。故有成算。觀偏測全。亦自有灋。洪武中元統。李德芳所譯定本。元初郭守敬授時。故測今其書湮沒不傳。然率皆條委。即歷

代脩曆亦皆裁定前後竟從現在取法而所以差所以不
差之故無能審究之者原不清也原不清則會通無自入
明二百六十年間能無參差萬曆中所謂分曹典司并未
能裁定前後果從現在取法然則莫有精於崇禎初祚徐
文定光啟奉命與西域龍華民鄧玉函等悉心翻譯所為
隨地異測隨時異用者其法可以驗今日可以類後日即
千餘年指掌間也匪有神授從原求委會通有法耳惜朝
廷多故雖曾擬立新曆而未即舉行曆與運俱亦一奇也
率之湯若望果行其學而適被訾惑天不欲數學果大明
無貳乎

曆志

吳元年、太史院使劉基、率其屬高翼等、上大明戊申大統曆。

洪武元年、改太史院為司天監、又置回回司天監、仍徵元太史院張佑等十四人、元回回曆官黑的兒阿都剌及迭里月寔又鄭阿里等十一人、議曆法占天象。

三年、定為欽天監。

十年、上著論、謂天左旋、日月五星右旋、以為蔡氏七政從天之說非是、嘗親驗之、意指一星為主、太陰居其西、久之在其東矣、遂謂蔡氏為儒者之言、不可據。

按週天三百六十五度四分度之一。日行日一度。天行健。過日一度。明是日不及天一度也。月行則不及天十三度。零于是同行而遞遲遞遲。見為漸右。寔非右旋也。造周年。天日月皆在東。震寔天多一週。月少十二週。日恰與天度合。蔡說為是。

十三年置四輔官。王本等分司四時。以熒陰陽。隨博求通天文曆數奇驗者。爵通侯。祿千五百石。率以不驗及禍。于是欽天監定每年二月一日進曆樣。十一月朔頒明年曆。日于百官。凡進內有上位曆。七政曆。月令曆。士遷曆。又上吉日十二紙。每月粘一紙於宮門御屏之上。又賜諸王有中

曆各布政司。則皆禮部降鑄欽天監印。徧及民間。私造者律斬。

十七年七月、製觀星盤。十月、大明清類天文分野書成。時大統曆仍元授時曆、但改太陰行度耳。自順帝元年迄今、終四十年、幾爽一度。博士元統論歲差、當以洪武甲子冬至為曆元、上可之。擢為監正。久之、監副李德芳爭之、謂當以元至正辛巳為曆元。帝曰、止。驗七政行度、交會無差者、為是。卒從元統議。仍依舊法、不用授時法。隨命儒臣吳伯宗與西域馬沙亦黑、翻譯西域曆書三卷、又諭詞臣李暉、曆事舉、可以者躬脩德、順天心而立民命。

按西曆自隋開皇己未阿剌元年所造、歷明千餘年矣、
凡脩曆必本此時司天之官、所為測影、但用八尺之表、
而元郭守敬五尋表法竟不傳、所為候氣、置灰坎中、
潛地隧、以沸石灰灌之、湯至灰飛、亦與古法不合。

十八年、築欽天監觀星臺於鷄鳴山、築回、欽天監觀星
臺於雨花臺。

二十年、選嗜人年壯解書者、赴京習天文推步之學、
二十七年、上詔國子博士錢宰曰、奎壁為文章之府、向來
黑氣凝滯、今春暮黑起盡消、文運其興矣。
二十九年、鑄渾天儀成。

洪熙元年作臺禁中觀象凡遣將行師諸王出塞遇有校祥手初織論已見星變對大臣泣下未幾晏駕

正統四年造渾天璣璣玉衡簡儀至景泰中益銅壺

十一年令簡儀九道圭表壺漏並准南京作晷影堂以便觀測調品

十四年己巳大統曆成夏冬二至晝夜六十一刻岳文肅異之謂私變曆法必有搖本之禍未幾土木蒙塵

成化十年鄧陽童軒請天文以太常少卿掌欽天監

弘治十一年訪世業疇人并諸能通曆象遁甲卜筮者

正德元年七月五官監候楊源以星警奏乞安居深宮絕

遠遊獵。十月下旬。復奏京城連日霾霧交作。為衆邪之氣。陰冒于陽。寔臣欺於君之象也。

二年。源又奏火星入太微垣帝座之前。或東或西。往來不一。且思患預防。忤監璉杖戍道率。

嘉靖三年正月。五星聚營室。掌欽天監太常少卿樂護疏請內脩外攘。以銷夷狄盜賊之謀。同官華湘亦以歲差三曆事建亥復云。古今治曆之善者三家。一漢太初曆以鍾律起。一唐大衍曆以著策起。一元授時曆以測晷影始。蓋測日為最精也。

萬曆四十年十一月朔。日食。監推未正一刻。初虧。兵部員外

范守已候得申初一刻。是先差四刻矣。監正周子愚靖恭用
西法。務令會通歸一。詔分中治事。為大臣徐光啟。果臣邢雲
路。却臣范守已。崔儒秀。李之藻。不果就。

崇禎二年五月朔日。食。監推刻數不合。禮部侍郎徐光啟
預推所食。止二分有餘。不及五刻。已果然。詔罪監臣。令光
啟督修曆。率隨分據大統曆。回曆所算日食殊異。而以新
法准之。蓋分順天。應天。杭州。瓊州。及大寧。開平。等處。則有
數通。速不同。或食。既。或不食。多寡之異。所為隨地異測。若
是也。

按西曆云。歲差環轉。歲寒參差。天有緯度。地有經度。月

宿有本行。月五星有本輪。日月有真會。似會皆似前所
未論及。或云。日月交食。日食難定。月食分數。惟以距交
遠近。別無四時增損。蓋月閏虛大月入閏虛而寒。故八
方所見同也。日為月所掩而食。蓋日大而月小。日上而
月下。日速而月遲。日異四時。月有凡道。故傍觀者遠近
自不同耳。如北方日食既。南方終虧。南方食既。北方半虧。
故食之時刻分秒。據地定矣。因時求合。而後準也。或云。
歲差之故。天週有餘。日週不足。有餘故平速而舒。不足
則內轉而縮。天日之差。于中歲驗焉。或又云。定歲之法。
積四期餘日。而分日加于四期。故二至之時。祇存餘息。

如定日之法。日有百刻。而度為九百四十畫。以氣朔有
不齊之數。故也。凡月三十日。而二氣盈四百十一畫。二
十五秒。一朔度四百四十一畫。積盈虛之數。以成閏。故定
朔必視四百四十一畫前後。為朏。朏在一畫之間。

光祿等遂上節次六目。為日經曆。為恒星曆。為月離曆。為
月交會曆。為法原。為法數。為法真。為法器。為會通。於是第

次進書二十三卷。為日經三測天約說二大測二測圓以線
表六黃道升度表七恒星曆黃赤距度表一通用
二次進書二十一卷。初測量全義十恒星曆二日鮮北比制規
恒星起圖及圖像二日鮮北比制規
鮮次進書三十卷。月離曆指四日月離曆表六文食曆指四交
食曆表二南高孤表十二諸方半畫分
各分表一。次又進書乙百一十八卷。為黃平象限七火

及遇歲時刻表三、交食表四、交食曆指三、交食諸表用法一、
交食簡法表一、五星圖一、木星加減表一、方根表二、上星
加減表一、日曜表一、五緯推論一、日曜增一、恒星經圖八
火土本經度三、三緯度一、三緯表一、占交食考一、日月永
日曜考二、大食蒙求一、夜中測時一、占交食考一、日月永
表二、金水曆指三、日月五星會望法考表一、大星如減表
一、金水二星表一、高孤表五、甲戌乙酉、因推定十議、為脩
次二、年日曜細行二、恒星出沒二、因推定十議、為脩
曆法之要一、議歲差、每歲未行漸長漸短之數、以正古來
年、五十年、六十六年、多寡互異之說、二、議歲差、小餘皆多、今少
漸次改易、及日影長短、歲之不同、因以定冬至、以正氣朔、其
三、每日測日行經度、以定盈縮、加減、真平來西南北高下
之差、以步日曜、其四、夜測日行經緯度、數、以定交轉遲疾、真
真平來西南北高下之差、以步月曜、其五、密測列宿經緯

行度以定七政盈縮遲疾順逆遠近之數其六密察
 五星經緯所行度以定小輪行度遲速留逆伏見之數東
 西南北高下之差以推步凌犯其七推愛黃赤道廣狹度
 數密測二道距度以候五星各道與黃道相距之度以定
 交轉其八議日月去交遠近及真會似會之因以定距天
 時差之真率以正交食其九測日行考知二極出入地度
 數以定週天緯度以齊七政其十因月食考知東西相距地
 輪經緯以定晝夜晨昏永短以正交食有無多寡先後之
 數隨諸製器十事一造七政象限大儀六座二造列宿紀
 限大儀三座三造平渾圓儀三架四造交食儀一具五造

列宿經緯天球儀一座。六造萬國經緯地球儀一架。七造節氣時刻平面日晷三具。八造節氣時刻轉盤星晷三具。九造候時鐘三架。十裝脩測候七政天食遠鏡三架。且云曆學旁通十事。一凡晴雨水旱可約畧預知。以便脩救。二可測量水地。以便疏築。三于樂律相通。四于兵行有濟。五于會計極詳。六于營建有當。七可以製造機器。八可以懸度道里。九可以參判醫家。十可以意測鐘漏。五年十月先終病。薦以東泰政事。天經畢曆事。會內外多故。不果就。或稱湯若望能治砲。可紓東顧。給者以爲不可任。遂已。

按晉書十二次分野始於角亢以東方蒼龍為首也唐
十二次始於女虛危者以十二支子為首也其以斗牛
為星分之首者日月星辰起于斗宿古言天者由斗牛以
凡星故曰星則星次為十二次之首而斗牛又為二十
八宿之首也明應運肇基是星次和牛之分與天地
三統之正相協豈偶然哉至欽天監十二分野分配
邵子唐天文志稍異嘉禾徐善家說可慧性絕凡博綜
群籍余多就正而所著分野辭可謂奇聞有云分野之
說始於周礼保章氏春秋傳稍見其占司馬天官乃畧
不通班固始以漢郡縣分配占國者十二次然子夏宗

梁益、禹貢、要、至于陳卓所集、乃貴直、以易卦配、蔡邕
以節氣配、皇甫謐以月律配、俱屬批繆、又以儒一行兩
戒之解、益粗、遂出獨解、謂古帝王臣佐、皆五行之類、歿
則登神于天、其旺主則生時、存後遊之地、于是垂蒼斯
臨、俾世不忘、為之預兆吉凶、且以太皞炎帝少皞黃帝
分主五行之神、為禱、雜列傳記、言之鑿鑿、而余有訖、
者、天地先帝之臣佐而生、前此寧無言、而應、即所云
太皞炎帝之流、安知無賢聖、後起、而孔子將主、古
凶者可期、禍次而增乎、且云、微外無人、不見外野、古今
來心、盡至、集、為中國所向慕、然則不廢、知野、知地、將

何微乎。後世將曰文武其功德之著者在生。不見于天。
是。先。有。此。聖。而。人。應。之。豈。太。晚。矣。帝。等。純。無。陞。降。克。和。
萬。福。無。代。之。者。乎。夫。九。州。之。名。自。人。定。之。二。十。八。省。之。
名。亦。自。人。定。之。天。地。不。能。言。也。萬。物。皆。有。正。有。偏。九。州。
之。地。一。之。正。也。二。十。八。省。之。天。一。之。正。也。陰。陽。相。應。理。
有。固。然。古。大。智。人。觀。天。而。歷。驗。之。以。為。此。星。之。變。見。於。
此。地。如。此。遂。和。以。為。占。而。定。之。以。為。然。亦。大。概。尔。果。
能。脩。德。可。後。而。免。亦。或。應。見。而。不。見。則。更。有。說。也。即。以。
周。論。東。周。之。季。帝。星。即。當。不。復。東。西。二。帝。降。臨。南。北。
朝。各。自。定。不。定。亦。復。而。定。東。此。時。以。何。土。為。主。所。謂。

將相卿官

以上應堂野矢列有變法乎當上志凡如

朱子綱目所稱正統而歸于一極也極之歷代奇智攻

左俱可宗端孟子云存其心養其性所必事天一日盡

知矣

又按唐堯元年甲辰至明洪武元年戊申合計三千七百二

十五年為上甲子即氏錄世書謂堯天地之正數為

乾之九五係十二萬九千六百五十年之中而洪武十四年為

六萬八千八百一十七年勝國元明易曰禹八年甲子入

平會之初運當始之初六元至元甲子為平會第十運明

入十一運之中乃始之九三太嘗卿何孟春云是所望于今日

者是也。

罪惟錄志卷之三

五行志總論

灾百于祥○無非幾也○祥比于勸○灾比于諄○古聖奉天○勤託
于神○之教云爾○而有二義○一曰○有其召之○無所不
在○必○之○於○心○一曰○所以警之○以俟其悟○義在匡之○
又有不然者○諸凡先見之識○往往為後世奸人所借○似反
導之○抑有偽設之機○偶託此惑衆而卒以假致真○則又造
物之變用而不可知也○易曰○君子終日乾○夕惕若○其即
知幾之神乎○天地皆五行也○以性言○水潤火燥土濟
木敷金欽以氣言○水潤火炎土蒸木溫金清以位言○水下

火土中木左金右以形言水平火銳土圓木直曲金方
以事言水固火不土變木化金從草以事言水井洫火變
治木金器械土爰稼穡以類相應各有其救

五行志

癸巳太祖已起兵於滁州矣。秋七月海水日三潮。

乙未太祖駐和陽時。戰酣假寐。有似蛇緣太祖臂。足類龍。無角。左右驚。太祖覺。以兜鍪棲之。忽有警。促頂兜鍪出。忘棲蛇。及勝歸。脫兜鍪。蛇故在。蛇從顧盼去。

丙申六月。彰德李如瓜。先是民謠曰。李實如瓜。百姓無家。時小明之兵果爛。及帝微行至江。除夜莫肯渡。有貧吏。夫婦願渡。口誦云。聖天子六龍護駕。大將軍八面威風。帝喜。登極後封其舟。未之。後江中渡船皆先。謂之滿江紅。

庚子十一月、自朔日始、黃河清三日。

癸卯、太祖戰鄱陽、敵衆我陣上空中、數萬兵、衣絳衣、助戰。

有熾書蕭王二字、又棕纜沉河者三、久爲厲、後封爲棕三舍人、禱輒應、忠勤樓災。

吳元年、上夢神人以玉加其項、遂生龍骨、日以是。

洪武元年戊申、蛟發永新、州城溢水八尺、溺人甚夥。

二年己酉五月、寶雞縣獻瑞麥、至有一莖五穗者。

四年辛亥、京師火、莊浪泰將趙安兒嘗爲縣、得土中一刀。

邊有警、則刀自出鞘、祭以羊血。太監劉馬兒還朝、求此。

刀不與、焉沒其功。

五年壬子二月癸未臨漳府災京師屢火四月陽曲縣地震震河南民獻白兔上曰時和年豐國之禎也放之野六月句容縣民張觀獻並蒂瓜二本上作讚不以爲瑞有曰天地間時和歲豐延王者之禎也賜千錢遣之

七年甲寅四月上元縣民史廣妻其一產三男

八年乙卯二月京師地震南京廣積內庫鎮庫銀其重數百斤偶儒者夜見田塍光起明掘地數尺得大銀重不可舉遂同相識十八人舉之上有朱填廣積字記不敢取聞之官上曰此銀失其三矣天意福儒者竟與之又庫中錢飛南臺民家錢側立瓦上衆异之以竹穿其孔

驗之庫錢也

十年丁巳春、蕪松浙西大水、秋北平等八府大水。

十一年戊午四月、奏安東沐陽縣鬼火昏暮繁多、上製文諭之、遂熄。七月、東南海溢。

十三年庚申六月上、宴坐謹身殿、雷震、恍惚、殿角有人長三尺、青膚而翅、狀似猿猴、面目、眈眈、有光、因問儒臣、雷有神乎、對曰、此陰陽相搏之氣、上曰、不然、遂下詔、謂五雷著迹於殿、其減膳修省。

十四年辛酉八月、武原縣河決。

十五年壬戌二月、河南水災、十二月、北平大水。

十七年甲子六月、睢州河決、八月、決開封東月隄、決杞縣、
吳郡三都陳氏祖傳古鏡一、以炤病瘡者、見一物附背、
蓬垢、不甚的、此物見鏡即脫去、瘡愈、至弘治中、兄弟分
資不平、碎之、遂不驗、

十八年乙丑八月、河南水災、十一月、河南山東水災、
十九年丙寅六月、雲南地震、

二十一年戊辰二月丁卯、帝皇廟災、上元縣治亦災、
二十四年辛未五月、北平水災、七月辛卯、雷火、江寧樹草
場災、八月、召借屍還魂司牡丹者、賜鈔、命兩氏供養之、
司牡丹、龍門婦人、為大蹴、越三年、附初死、袁馬頸屍、

而活。因言以為漢薄姬祠中侍婢三年。語前生事甚悉。
懿文太子自陝西以聞。凡野蚕成繭。以為偶然。勿賀。

二十九年丙子七月。晉王進嘉禾。

三十年丁丑。河決開封城。

建文元年己卯三月。京師地震。燕兵下。南兵望之。陳上有
旗幟。常書真武二字。

二年庚辰八月。承天門災。江北蝗。

四年壬午。新宮成。白日見。男子捉人頭。血淋漓。入宮。急索
之。無得也。夜宴。張燈。忽不見人。狐狸滿宮。偏置鷹犬。不
能止。錦衣衛火。武庫自焚。燕兵渡玉馬河。三見兵。及有

光如毬相擊。弓弦自鳴。曰。此勝兆也。蓋奮。

永樂元年癸未閏十一月。順天山西地震。

二年甲申。周王獻駒虞。甘露嘉禾疊至。海外諸國獻麒麟。白雉。白鹿。白豕。白兔。白象。靈犀甚衆。仍獲神龜。受賀十月。河津蒲城二縣。黃河清。歷五月復舊。十二月。韓城縣。黃河清。獻諸祥。勿賀。曰。祥瑞之至。易令人驕。朕當加慎。

三年乙酉正月。伐碑石龍潭。得石龜。受賀。七月。陝西獻瑞麥。勿賀。

四年丙戌十一月。孝陵醴泉出。以瑞麥獻宗廟。將營北京。馬湖府山楠木數萬。一夕自行。聲如雷。達水次。詔封神。

木山山呼有聲者三。上命立石紀首事人。甘露降。六年戊子四月。京師地震。五月。福建及蕪楊二郡。柘櫨生。花。八月。河南野蚕成繭。十二月。靈丘縣民妻一產三男。例賞其獻瑞者。蒙切責。野繭製黃衣以薦。

七年己丑七月。北京有白鵲之瑞。皇太子撰表稱賀。八月。繁峙縣獻嘉禾。勿賀。

八年庚寅。北征師次清水源。渴甚。近營忽出甘泉。

十五年丁酉十一月。北京奉天殿。乾清宮成。戊午。現五色瑞光。綢緞流動。庚申。金水橋水凝異瑞。驟具諸象。己巳。殿後卿雲呈彩。五色輪囷。正當御座。衆目共睹。

十七年己亥九月、欽、領、佛、經、大、報、恩、寺、夜、寺、塔、見、金、利、光、如、寶、珠、越、二、日、現、五、色、毫、光、卿、雲、捧、日、佛、羅、漢、妙、相、畢、臻、既、頌、佛、曲、淮、安、陝、西、河、南、等、處、又、見、五、色、圓、光、現、諸、寶、相、天、花、寶、塔、龍、鳳、獅、象、紅、烏、白、鶴、盆、繞、不、常、

十八年庚午八月、諸、城、縣、進、龍、馬、鱗、臆、肉、髮、體、具、龍、文、其、色、青、蒼、文、武、表、賀、

十九年辛丑、帝、方、御、北、京、四、月、庚、子、奉、天、謹、身、華、蓋、三、殿、災、

二十年壬寅、江、南、水、災、

二十一年癸卯八月、萬、壽、太、岳、太、和、山、頂、金、殿、現、五、色、圓、

光紫雲周布。又石山產靈芝。榔梅結寔。

二十二年甲辰五月。潘縣蝗。縣令為度禱。有鳥啄蝗盡。有年。

宣德二年丁未。鵲巢再見。其後祥州石固山。又復兩見。賀。

七年忻州武煥家馬生一駒。鹿耳牛尾。肉文被侔如麟。賀。

正統三年戊午五月。江北大水。京師浙西更甚。河北蝗。

十二年丁卯七月。河決張秋。潰沙灣入海。尋又決萊入淮。

有東平州王判官潘水得礦石。誌曰。前卦吉。後卦凶。五

百年後水來衝。幸遇王州判。移我葬河東。蓋宋時某所

葬礦石也。王駭。果改葬。竟卒官。

十三年戊辰七月。河決滎陽。經陳留。自毫入渦口。又經蒙

城至懷遠入淮、東昌大水浮出、二大鐘水中互擊、知縣
鄭鐸往祭之、其一流去、一存、上書永安四年造、懸文殊
寺、聲聞四十里、按永安、金代年號也。

十四年己巳六月、南京宮殿災、護身華蓋奉天三殿及奉
天門一時燼、明日、基生荆棘、二尺許、時紹興山移平地
又地動、白毛遍生、陝西二處山崩、壓沒民舍、或山移數
里、有聲、吼三日、黃河改徙、渰民舍千餘戶、遂徙宅新落
未成、一火燼、八月、上陷鹵也、先欲犯駕、是夜雷震其所
乘輜馬死、又帳外隱、黃龍交騰狀、鹵人乘雲行刺、見
巨蟒阻帳、怖不敢謀、吳、廣州大盜黃蕭養、獄十年、所臥

榻忽生竹葉遂軼出作亂崇文門外軍人王勝家井中有五色雲起寅卯見過則漸消二十餘日乃絕先是數小兒聯臂圍一小兒於中一兒周行於外曰正月裡狼來咬猪未內小兒曰未歷問至八月曰來裡來裡是月有蒙塵之事。

景泰元年庚午廣西解元張輝為香山教諭忽見官舍井中出一紅衣人招之輝素豪叱之滅次日會飲縣堂與縣丞爭座交惡歸輒投井死。

六年乙亥正月洛陽雨農爭一石板知府虞廷璽親為踏視石背泥封洗之有云知明景泰乙亥知府虞廷璽為

我獨與此寓蓋邵康節故居也。虞乃建邵祠置香火時
有黃門張靖之新置綾衣夜偶拂槽火星隨衣墮地杭
人王宗海在都一夕所服絨衣過流火星微有聲過日
亦然無害。

天順二年戊寅四月建昌熊氏雷震中堂揭大門回於厨
屋盤屈一椀于斗中又掛一椀于梁上徐武功有貞在
獄將決是夜承天門災暝晦中錦衣堂上似有七派來
攻及臨西市天光杳冥風雷交作案牘揭飛空中遠地
火光詔以天變得釋。

四年庚辰春關火監場御史焦顯必瑣棘竟事死者數十

人不以祀廟亦凶災衍聖公罪譴秋大水江南尤甚
七年癸未正月楊州民婦一舉五兒母無恙五皆成立體
貌無異後析居爭訴巡撫畢拘斷母尚在二月會試場
屋災舉子死者衆

成化元年乙酉鈞州地震三日陝西旱災滿一百里餘處水災
二年丙戌十一月朔京師扶溝重霧從東來着樹皆白項
凝積如雕鏤或曰此樹孝也相傳謠曰冰凌木稼達官
怕時少保李賢病閏月不起有進士某素知導養死葬
地十二年地有聲啓棺儼如生北京山東四府大水
三年丁亥三月遼東宣府地震四州前後共震三百七十

餘次六月雷震南京午門正樓

四年戊子三月瓊州地震七月京師地震五月大風雨有
雹墮地皆黃泥凡子圓淨聖寶如梅桃子大破之中有
硫黃氣

五年己丑三月湖廣河南地震六月河決杏花營有卵浮
於河大如人首下銳上圓質清白以手撼之汨汨作聲
或曰龍卵碎玄珠主大水高郵衛指衛某塞決口用石
忽中断內有二石人裸而交猷平江伯陳銳

六年庚寅正月楚豫地震四月大雨水八月廣東高雷地
震有聲十一月江浦縣大火飛焚江淮衛馬船

七年辛卯四月、襄陽一日地震。次日、又震。九月、京州地震。聲如雷。七月、海濱浙、遼、沅江、民馮貴家牛產一麟。生時、雲霧滃合、紅光滿室。民以為怪、擊死。

八年壬辰七月、同州北山連吼三日、裂成溝、長半里。許、尋、棧合、浙、直、江、海、暴溢、死者二萬八千餘人。寧夏榆林地震。震九月、山西地震。鷹揚衛捕一男子、腹中有物、作聲。隨人言語、或曰、病也。謂之應、聲、服雷丸當愈。

九年癸巳正月、太原府地震。三月、塞外野燒、逼山陵、反風、延出西北。六月、畿南大水。河間蝗。七月、東直門火。

十年甲午正月、福州府地震。三月、宿州民張真妻王氏、右

脇裂生男、母子俱活、官廩之、九月、鶴慶軍民府一日震十五次、十一月、靈州地震、

十一年乙未、乾清宮門突、四月、吳城地大震、旦視之、遍地生白毛、類貓鬚、長數寸、過兩日悉化、收得者歷久不變、十二、廿丙申正月、南京地震、七月、京師夜有物、黃黑氣一片、疾如風、自戶牖入室、人觸之皆迷、暈手足身面被傷、下黃水、比屋擾、夜持刀張燈、鳴金鼓禦之、或有見之、金睛、修尾、狀類大狸、四月、山西地震、上視朝、奉天門忽倚、衛驚擾、頃之始定、遂有西廠之設、汪直用事、燕晉地震、十三年丁酉二月、山陰縣地湧泉如血、疑天降、三月、河州

地數震。四月，甘肅寧夏榆林及山東地大震，裂出沙水。福建長樂平地長一山高二丈餘，橫廣八丈，傍一池生大蜆，食之，人九月，京師地震者三，楊繼守嘉興，免民夏稅，憲司齊忌之，欲指以為過，上聞，方簡夏稅贖，忽風捲贖空中，群鳥爭啄，碎之，齊歎事已。

十四年戊戌三月，南京西華廠火，八月，早朝，東班有甲兵，聲京師有生子，手足俱無，不忍棄育之，及長，父以布囊盛之，出視，僅長二尺許，頭甚鉅，聲雄，能就地滾，江北水害十五年，五月，常州及無錫地震，有聲地生白毛。

十六年庚子二月，泉州府地震，四月，雲南麗江巨津川白石

雲山距金沙江二里許一日忽裂走一半於金沙江中
山上木石林列如故山西石州民家產一猪二首二尾
八尺一脊輒死八月越舊衛地震亘三百里山東民掘
古塚偶得一甕貯水無縫而輒涸懸掛不擊有聲或曰
憑甕能照數百里江南及威州地震長樂平地山起

十七年辛丑二月南京地震江北四府河南山東雲南皆
震鶴慶滿川通安州震一百餘次居屋倒墜男婦死無
數五月東朝房火延及公生門六月宿州張珍妻主氏
脇右裂生男名佛寄兒七歲貌磊落鼻上一痣黑而大
十八年壬寅春蘄州楊氏有牛磨勞十八年矣以老欲賣

之舍所買家夢牛言勿買異之來視牛三跪泣不起遂相勸弗殺終牛天年十一月南國子監火十二月河以北各府縣旱灾

十九年癸卯七月宣府地震六次武清縣民家石臼與隣家碌軸相關前却不已以木拾之木折三日止河南蝗二十年甲辰正月京師地震東盡遼陽西迄宣大宣府地震湧沙出水欽天監火岷州地震五月代州地一日七震泗州民家中產一麟以為怪殺之足如馬蹄黃毛肉鱗起如半錢刑部啓部中妻偽為娠以慰屠忽果娘彌月而產烏卵四十破之有血水項尚書有女無夫而孕

恠而敗之得數蛇女驚死

二十一年乙巳二月、遵化地再震、三月、泰山屢震、有聲如雷、五月、京師地再震、八月、肅州、梧州地連震、十一月、京師復震時、有水、稼之灾似烟、非烟、似雪、非雪、草樹被之、皆成幡幢諸像、又白氣如練、作白蛇形、散、有聲如雷、二十二年丙午、寶雞縣地裂三里、六月、鼠食陝西禾稼、出山麓、數萬頃、刈竟、故百姓鳴金持杖逐之、間後至、吳中朱全家、白晝群鼠與猫鬪、猫却走、全卧見之、以物扶鼠鼠不去、七月、金齒衛地三大震、九月、成都岷州地震、嘉興民家生兒、背有血紋、作吉昌二大字、因以為乳名、久

之村民掘地得青板、上有吉昌字、下皆金、吉昌父亦同事、乃曰、吾子名此、當是吾兒物、衆不服、分去、輒病、及訟、金盡而安有吐金還之者、得無恙。

二十三年丁未二月、沂州地震、六月、淮河清、自亳州至太和縣、一月復故、雷震南京午門。

弘治元年戊申二月、處州景寧縣北屏風山、有白鳥成群、首尾相銜、望牛首山、迤里騰空去、八月、宣府地陷、十二月、成都等處同日地震、京城及通州等處水溢、溺人畜、二年己酉二月、威州地震、四月、洮州莊浪等處地震、風雹水湧、開府河決入沁、五月、甲字庫火、七月、冀州地震、關

里孔廟火。發樹抄城。及殿廡。古木多焦。碑刻煨盡。時建寧書坊廣信張真人家。亦同日燼。吳縣崇義庵雷震。梓樹劈盡。地有子。乃言二字橫五六尺。直二尺餘。十一月。天地壇齊宮祭服庫火。

三年庚戌正月。汶州縣地震。三月嘉定州地震。六月。河州山崩地陷。十月。肇慶平陽及威州地震。十一月己未。京師地震者再。

四年辛亥二月。禮部火。四月。洮州衛水雹。水高三四丈。冒城漂廬舍。六月。京師地震者三。八月。南京地震。雷雹。淮揚同日地震。十月。益州萬州地震。黃河溢。歷城民家曰。

油張、有一嫗、年八十以外、齒落更生、直出能食、嬰兒、
名秋姑、以是鎖禁室中、竟卒、

五年壬子、揚之瓜州、雷震船桅、破出死鼠、最多、有重七
斤者、不及七斤、不勝數、

六年癸丑二月、嶧縣地震、四月、刑部火、南舊內火、五月、大
風作、東廠內地、忽陷二、三丈、廣亦如之、驗數日、忽滿、明
時坊有巡捕鋪、白晝二人入鋪、久不出、述之、不得、但見
二人衣委地、有血漬、究不得其故、民間一產五子、三男
皆無首、二女臍下各有口、眼、啼則上下相應、數日、以六
月六日、通州東門外、忽訛言、寇至、男婦奔城、擠溺多、以

者京師飛蝗蔽天三日

七年甲寅正月曲靖府地震六月六日蘄州衛銅印火焚不可持三則手糜爛乃以布裹用之久始復七月京師地震九月南京地震閏月又震十一月連震

八年乙卯春吳城蝦蟆山移三月寧夏地震日一十二次越二月又震六次邊牆墩臺皆壞九月貴州地震凡十二次十月德州地震者九江夏悟真寺僧元仁出江口步月聞有誦法華經者声朗然異之歸聽出土中乃呼救洛土得枯骸獨舌不壞持歸以石匣藏之後不復有声是月諸省大疫復大旱

九年丙辰二月京師地震長寧民家楠樹生蓮花李生萱
葵五月平涼府龍起刀鞘大風而繞室蕭山山陰二縣
山崩漂廬舍八月黑熊上自都城蓮花畔傷人

十年丁巳正月真定太原地震絕如舟覆太倉民家生兒
兩身脊相粘不解兩面外向其首皆如雀皆雄

十一年戊午夏熊入西直門禮部毀六月桂林府地陷九
處十月甲戌乾清宮災

十三年庚申二月禮部火七月京師地震十月南京鳳陽
府地震崇明縣有雞生卵而方稜角整怪而碎之中有
一編猴終大如棗擬上聞以猴死不果孔廟火起樹

杪先是兗州知府龔弘夢宣聖面弘泣次日謁廟聖像
當淋殿有痕未乾災郡廡室宇俱盡樹木枯

十四年辛酉元旦陝西三府地震如巨雷倒廟舍五千餘
死男婦百七十韓城尤甚安昌八里遍地竅水有震裂一二
丈或四五丈如河者蒲州地震二十九次七月天愁天
壽山近二十里風火延燒東西四十里南北七十里林
木俱盡廡州及靈山縣海漲傷人八月烏撒軍民府山
崩地裂十月叙州府東南二河水色忽變白如雪漢如
昔者三月京師地震有田人入貢道山西見居民競
汲一坎顧以金易坎重價得坎乃鑿坎最深得完石有

一竅泉出表而告衆曰此水寶也火寶易得水寶難得
齊萬渴可航海保定府進白鴉不遠也

十五年壬戌八月高州府海嘯壞城郭九月畿南河南山
東西及南京地連震隨州應山縣有女子生髭長五寸
餘又鄭陽一商家婦美色額下鬚三綫約百餘莖長可
數寸人目爲三鬚娘云

十七年甲子六月廬山鳴如雷水發平地丈餘漂溺無數
十八年乙丑四月朝鐘新成而紐絕奉天門寶座下階石
忽裂開趺五月山崩之日大風折木黃沙四塞有見
黃袍人來龍睨空者武宗初立西邊地震河州山崩裂

七八里為溝九月、江南北浙西寧紹地震、平陽府地震、
正德元年丙寅二月、邵陽地震、七月、陝西黑水龍地震、九
月、李花盛開、萊州地震三十二次、尋一日震九次、蘇州
婁門隔河洶、有兵甲聲、居民駭視、見數千人、無上休
但、腰下花繒絞股、行甚疾、踰時盡、是歲、雷震奉先縣
二年丁卯正月、永壽縣自冬及春、桃李實、群花發、雲南沂
州地震、七月、平海衛地震、八月、黃河清、慶雲見翼軫
三年戊辰正月、平涼府地震
四年己巳二月、遼東門樓、鐘自鳴、山崩地陷、六月、河決沛
縣、七月、河決曹縣、隋州地震、十二月、吳中大雪、僵死多

人震澤無流漸率涉水行瀕海有樹水激成冰相傳為木介兆兵戡

五年庚午四月華州蒲州地震五月寧夏地震壽州土崩水溢十月華昌地震洞庭貢葉湘者出被害客人迹洞庭求之目昏忽有蕩槳荏苒中者指示其屍厥忽不見蓋湘魂所幻也又有別舟子作鬼語自發其害湘始末官以抵湘鄭都縣某奇藝圖見巨蛇追斫之蛇入地傷其尾得金鉄聲發之得錢一窖咸州茂州等處地震六年辛未四月楚雄地三日五震七月夔州山崩水溢八月尋甸軍民府地震九月霸州桃李華十月泉州府地

震十一月、京師地震三日十九次、十二月、黃河清、自清
口至柳鋪九十餘里、九三日。

七年壬申正月、黃河清、燕晉福建雲南地震、三月、岷縣大
水、餘干縣仙居寨、有雷、風火自西北來、如箭、墜旗竿、
頂諸鎗、首有火、如星、須臾散、廣西萬春北寨、鎗首有
光、山東秦始皇廟、災像鼓如故、鐘鼓自鳴、樹燭而枝、葉
無害、五月、雲南地連震十三日、吳縣卧龍街、有火自空
中來、流為烏、其声殷々、然與雷相激、浮屠九層、風雨隨
之、金碧俱盡、閏五月、費縣蒙山崩、遼東沿遼方土、臺鎮
靜臺、所擺長鎗、俱吽喊、有聲、八月、雲南地大震、直隸順

德涿州河間有青色赤黃或如犬或如猫往來如風或爪傷人而逐之不可得餘姚大風海溢居民多死

八年癸酉廣寧地震四月河決黃陵岡十月平陽太原大水

九年甲戌正月乾清宮災

十年乙亥五月雲南地震日二十次踰月不止地裂水湧死者數千人九月文安縣河水忽僵立凍高圍根五丈許避流賊者入其中全活多清江縣衛軍妻病瘵或云食雀百可愈大為致雀妻不忍雀死繼之己而病愈生子二兩臂各有痣如雀一飛一俯而啄或以為雀報

云鎮江邵氏虛同胞五女

十一年丙子八月南京地震

十二年丁丑三月柳州地震四月撫州福州泉州及金鄉
衛地震六月山陽縣九黑龍見九月上辛陽和天雨水
雹軍士有死者夜有星墜之異

十三年戊寅三月南安府地震五月常熟縣黑白龍戰空
中壞民舍二百餘家破舟二十餘隻駕幸揚州河水方
合上令預期迎春冰開

十四年己卯二月郊京師地震四月蒼梧縣山崩鄱陽湖
蛟龍閉小姑平水道城中文餘人民溺死無數水退有

一黑龍蛟二十餘、死、以、汀、六月、河南并廢地震

十五年庚辰、上在南京、七月、夜有物墮、上前如豕首、其色
綠、迹不可迹、杭吳景隆妻產一子、青面、頭有雙角、升屋
走、設布囊百計、擒之、長洲陽城湖氏家豕生一子、猪頭
而人手、足嘉定三十九都民家犬生一子、形狀皆人、但
足跟短、背有微毛、江西大水

十六年辛巳五月、世宗初五日、精門火、八月、固原地震、十
一月、乾清宮災、時刑部主事陳祐、公事至陝西、舍公廨
缺、有司以布政司行臺居之、內一室、尚不啓者百五十
年矣、祐病、伏枕三月、心疑、令人排戶、入尚室、見僵尸、釘

壁如塵封蛙脂詢之乃洪武時陝西左右布政使得罪奉詔釘此久為厲祐大駭移居而病愈室仍扁時有牛生犢人手二雞生雛前後四足

嘉靖元年壬午海沸揚鎮等處巨木露頂漂溺死無數二年癸未三月雲南地震南京神樂觀災七月定海等處地大震空中声若雷城堞盡毀

三年甲申正月南京地震大名西安開封皆震二月蘇松常三府皆震合四月前總地震三十八地裂山崩妖怪甚夥不勝書七月太湖竭陽山崩

四年乙酉四月二十三日己刻福建大金千戶所有五山

自海外浮來如筆架上有峯巒自己至中漸沒不見千
戶周廬圍之而郡人張鵬孫以詩有奇狀真可觀踪蹟弗
久留之句五月登州地震者再是歲各處地震六十二
五年丙戌四月階州地震連日五月荊州地震七月江西
有虎具人手足快忽出沒城市亦入人家隕陽縣民產
牛一首兩身人臂人南陽牛一身兩首十二月江西婦
人生子六目四面有角手足各一節獨臥默聲又杭西
溪民家產一子兩頭一身是年京師水雹大如人頭大
風捲去屋舍數百不見墮處
六年丁亥正月慶陽府兩石大如卵能作人言一人携之

驚急擲南昌城隍廟殿中一石初生如算漸長至三四尺一人指之遂不長山東登州等處地震二月水溢蘄州閏五月望晝晦風雷電光中見雷神無數披甲執兵狀人飛入空復墜八九十人無恙震死九人身首異處牛十九頭亦死屍裂不可合屋舍崩倒

七年戊子三月西庫火十二月靈寶縣黃河清五十里三日杭州民家蔡氏母猪登榻仰臥覺而逐之作人言不起云汝家債已完此後當往杜家作活生小猪十二果有杜姓者索債盡以與之又民家生一雞子殼有故知吉山之患六字殼存布政司庫中

八年己丑、乾清宮中西七所房災、四川巡撫唐鳳儀獻瑞
芝一莖五穗者、吳門陸聚家牝雞化為雄、且交牝得子、
九年庚寅六月、河決曹縣分三道出徐州、八月、京師地震、
十年辛卯三月、雷譟延平悖婦、延平杜氏者、農家三子皆
出耕、三婦悍逆、忍餓其姑、致杜求自盡不得、忽白晝雷
作、三婦震死、四月、兵部火、延工部、九月、曲周縣產嘉瓜
瓜莖蒂、汝寧諸生燕姓者妻一乳三男、光州守陸鍾過
其家、年已十二矣、貌相似、以髻分、左右中別之、

十一年壬辰二月、山西地震者數五月、同州地震、

十二年癸巳正月、懷來青州地震、六月、陝西地震、八月、京師地震、

十三年甲午五月、同州等處地震、六月、南京太廟災、臨安
民一產四子、長六七寸、

十四年乙未正月、陽江縣地震、二月、廣寧地震、滁州大柳
諸山夜鳴、守土以聞、

十五年丙申八月、皇陵明樓災、十月、畿內諸府地震、

十六年丁酉八月、承天府水災、上虞范氏妻生一子、雖腹
時、搥婆手指嚙損、奔出屋去、夜來竊食其母乳、驚則去、
見有持爇者、奪啖之、以為宿火、擊死、

十七年戊戌正月、潮州府地震、

十八年己亥正月十七日、上南巡樹源、竹殿災、焚燬法物

甚多後宮中貴多傷者。越三日、復火。三月、雲南地大震、溫縣產麟、永城縣產瑞麥、一莖九穗。七月、揚州沒、江水陷金山、露脚如鼎足。

十九年庚子正月、平陽府地震。四月、陝西涼州、甘肅固原等處地震。十二月、城媚縣山鳴地震。裂泉湧。八日止。二十年辛丑三月、福州府地震。四月、九廟災。惟興王替弗。肅者存。七月、同州地震如雷。河東有震。患耳鳴。常探出細蟲。蛇如鴛。銅管中膜忽與同伴出。畊雷震裂。腦死。其伴死而復甦。言親見一龍蟄於其耳。又松江衛生者、手拊指面有紅筋。伸屈。蛇變漸長。夫一日、與客泛舟。雷

電鏡舟似有龍蟄指裂去生驚死靈璧縣民潰母臍下
而生子

二十一年壬寅三月武昌大同濟南固原地震六月歸州
崩崖塞江二里許十一月鞏昌固原西安鳳翔同日地震

二十二年癸卯二月山西地震三月太原府地震有聲凡
十月七月寧夏地震八月內苑嘉禾一莖雙穗者六十
有四雷壇靈黍五出者一本餘杭徐第之後園樹中剖
得石樹王通所五字

二十四年乙巳永和王知煥進白鹿京山縣民田報產嘉
禾良渚王本妻產一男兩頭

二十五年丙午、四孟甲辰火、京城大水。

二十六年丁未七月、丙寅、陝西小崩、河決曹縣、漂沒城池、澄城縣有小吼三日、中斷、分溝、越六七里、沙頭鎮一童子、未十齡、其母如成人、額下髻、連胸蔽膚、吳江婦人病狂、偏覓死屍、食之、將取腸胃如飴、不思穀食、官府錄繫、後釋去、京師王健兒家、生五子、其一後蹄如人足、能行、崇德羊生一人、輒死、田家鵝生一掌、又餘姚陳家鵝生三掌。

二十七年戊申正月、都城隍廟災、三月、暖閣災、六月、大同女年十七、化為男、八月、京師及廣寧衛登州府同日地震。

震九月、京師地震、時修甘州城、方破土、二三尺小棺最
多、以為孩、瘞、啓視、鬚鬢儼然、老也、時徐方伯以語張恭政
張云、余在涼州、亦有之、按老人容小、棺固奇、而紗帽紅
袍、似未甚久、徐為致祭而掩之、四川民婦產卵、數十枚、
餘抗猪、生人、惟四蹄、仍似猪

二十八年己酉二月己酉、京師地震、五月、鳳陽淮南地震
三十年辛亥九月、京師地震、有聲、天目山崩、蕭山、桃樹生
橘、上虞象山、李樹生黃瓜、象山、又柏樹生雞冠花
三十一年壬子二月、鳳陽地震、三月、山西地震、四月、雲南
地再震、六月、雷州海盜、八月、廬江王祐、揭敵瑞、麥、諸縣

李樹皆生黃瓜。諺云：李樹生黃瓜，百里無人家。

三十二年癸丑，太原府地震。

三十三年甲寅三月，慈谿縣民家地湧血，高尺餘。五月，和順民文英獻瑞兔。七月，鄭王進瑞穀。西苑產瑞禾百十五本。定海舟山所忽有石如斗者，平地滾擲如飛。頃更止，又城外東高嶺有石大數十圓，跳躍越嶺而上太湖山移。吳中民家周姓有犬，一日就地紙物，忽發狂奔走噬人。周養婿年十五，被噬死。後焚其屍，滿腹中皆泥也。狗亦斃，乃剖其腹，有泥累小蛇一團，其大如指。相傳瘞狗噬人，令人腹懷狗子，不開累泥。

三十四年乙卯十二月、山西陝西河南同日地大震、或地陷、或泉迸、覆廬舍、斃死官吏軍民八十三萬、有奇、不知名者無數、商人胡秀從海東大洋船、舟得漂、水裸男如一十七人、長可尺許、籠之歸、能米食、口作唧唧聲、見人不惧、倦亦睡、息或曰、埒人國產也。

三十五年丙辰、滕縣地震、聲如雷、九月、海州地震、亦有聲、十一月、舟山衛地震、嘉定沈鍾病革、時大便中漏出一小人、長寸許、兩目手足肢節無不具、鍾竟死。

三十六年丁巳四月、奉天華蓋謹身三殿災、及文武二樓延四門火、兩日始熄、八月、山東陽谷縣治中湧血高尺。

餘長洲漕湖之陸有物如小兒手白而長出尺許地上掘之不可窮乃強折而棄之相傳肥潤而紅者為肉然食之可仙昔蘭陵蕭靜之嘗食此

三十七年戊午正月光祿寺火陝西地震五月蒲州地震東陽縣地震裂出血十月華州地十八日三震房舍倒塌無數湘城有大蜂化為促織捷善關

三十八年己未七月南京地震十一月寧波五臺寺官督賑藥石曰火爆藥崩如轟雷石曰飛越牆外焚擊死凡百人或褫其衣或脫其履或膠屍牆壁或墮首城隍或飛舞空中越街渡港騎人屋危而死時督造尚十戶文

飛死遠市。典史江吳赴溺。亦灼死。

三十九年庚申三月。寧夏嘉興湖州地震。九月。華州地再震。貴州晉定衛有二水。一曰滾塘寨。一曰鬧蛙池。相距前後數十丈。一夕。二水起。聞居人驚起視。噴薄橫溢。及旦。二水一涸。一溢。台州大雷雨。東門外有樹。合抱自拔。仆一宿。復自立。鄆縣道安里泥水河。得一玉璽。如秦製。四十年辛酉五月。真定民婦于氏。臍破產子。六歲死。六月。陝西省一丹地震。十一月。萬壽宮災。十二月。御馬營燬九十餘楹。長洲沙湖趙珙。有妾生子額。兩角隆起。面色藍。啼如鬼。鳴恠而殺之。三產皆然。

四十一年壬戌正月、京師地震、十一月、甘露生於顯陵、
四十三年甲子正月、潮州地震、三月、黃霾兩土、夏月、大風、
上虞民家有母八十矣、忽吹去嵩山之頂、叢棘中、八日、
不饒、餘姚郭姓所娶妻、終十日、忽空中攝去、五日矣、始
墮地、云被數人持屋脊、今棄我松樹下、惘然失措、家人
疑、謂南之。

四十四年乙丑四月、宮中有黑氣、木綿見、披欄藻井上、
四十五年丙寅正月、福州興化泉州同日地震、四月、滁州
地震、編修戚瀾素狂使酒、夜行峽山、江見岸神人七、來
馬列炬、舟人恐、瀾曰、無恐、此蔡將軍兄弟來索子父、便

當投彼已。忽不見。渡錢塘。忽起。揖曰。汝宋朝奉。胡坐我
編脩上。衆無所見。闕於京卒。

隆慶元年丁卯。餘杭周氏一產四蛇。三月。京師地震。遼陽
事前仙靈堡舖及更樓旗竿頂俱有火如礮。既大。四月
四日。長營堡城上。亦又閃棍及旗竿俱有火。喊叫如馬
嘶之聲。數次方止。初六日。陰摩堡腰臺一旗頂有大五
月朔。太原寧鄉縣塔山响如雷。崩裂一縫。傷人多。初三
日。黑壯窠堡反方土臺鎮靜臺長鎗俱响。呼有聲。
二年戊辰正月。訛言抹女。命下千里。男男女女夫配長幼
良賤。不以其偶。官府不能禁。此。聲。江。西。閩。廣。極。海。而。止。

五月、陝西民李良雨、本男子、無恙、忽變為婦人、與同夥合為大婦、其弟李良雲奏聞、

三年己巳六月、河決沛縣、淮陽水災、寧國人施六來投軍、聽用、長一丈六尺、

四年庚午八月、明州山崩成川、九月、河決邳州、淤一百八十里、

五年辛未、杭州城外栗樹生、桃形似油桃、色紅小、西溪樹生、林檎二枚、

六年壬申四月、浙江黑書見、黑霧中一物蜿蜒如車輪、月光掣電、冰雹隨之、五月、南屏龍目泉化為酒、

萬曆十一年癸未三月陝西地震十二月慈寧宮災

十四年丙戌建昌鄉民樵於山道一巨蛇一角六足如雞
距不噬亦不驚徐入林去或曰其占千里赤旱

十五年丁亥十一月秀水縣思賢鄉見異鳥集樹人頸鳥
身類有白髮竟日去後不復見

十六年戊子十一月四川民家婦王姓者懷娠十餘月產
巨蛇遠室去擊殺之母無恙

十七年己丑慈谿茅家浦血水從草湧出凡八處大如盆
高可尺許滅行飛亦出血殺人足亦出血約半時
方止廣西社監生家舍傍皆其時出血探丈餘得一

肉塊大如釜無首尾頰而動投水自是無虹

十八年庚寅乳源前江多蛇每鄰尾自下而上至燕口岩穴中一日痘盡無遺者人擊之亦不為害揚州大旱焚蕝之田如焚忽黑鼠無數食根至盡蕝王墳起一離野燒次年大獲

十九年辛卯冬易州民忽訖言城有王氣官兵奉旨來屠於是衆一日城空走且盡

二十年壬辰五月顧烏集豫章永寧寺屋其形如象人面四目身高二丈許群烏噪之

二十四年丙申三月乾清宮中寧宮災河決黃潤口

二十五年丁酉六月泰山崩裂一里有餘望極三殿災八月京師地震山西河津等縣池塘水溢是年黃鶴樓無故自火延燒千家黃鶴之磯民淘背井入不復起一人繼之曰撼繩鈴急上我下見前人死一穴傍穴有火光出方山冠絳袍者持刃來逐其人大驚撼鈴起從死聞之監司欲夷其井一夜滿有狐從漢陽門入陰雨作人哭捉之無有民間見龜蛇大闘次日龜蛇俱死江西有狂客一群自言能為黃白事豪輕貲夜不見其何為早復至有司疑之報撫臣葉永盛召客至庭詢之自稱浮提國人能呼吸往來出二物一物似水晶能四照一

金縷小亟內如瓶若語字能收動以歛葉不爰撤去之
二十七年己亥八月狄道縣毛家坡有山二百餘丈忽夜
山麓光發內有聲如輕雷或聞鼓樂聲如此數十夜一
日崩裂中成溝池而山南平地湧出三五座約大小高
二十餘丈

二十八年庚子八月鄖陽鍾甘島一僧自京携玉足牛至蘇
第五足在後踵下短不及地跡類人手五指間有皮連
絡又劉原博子宗序入京見玉足牛一足生于領跡反
向上

二十九年辛丑貴州大旱余家有婢三十餘矣生四乳其

下二乳與常乳等、其上二乳近膊不恢絕似男乳擠之亦略有乳汁不堪哺兒

三十年壬寅五月、陝西黃河竭流二十四日、十月、孝陵災、三十三年乙巳、鎮江有山忽裂、下視昏黑、九月、京師地震、三十五年丁未閏六月、京師大水、官民廬舍傾塌、人民奔溺、一宗室路過、目人高二丈、餘白衣白幘、耳長珥、兩目炯炯、紅光燭地、冉冉自北而來、頃之不見

三十六年戊申、江南大水、太湖與諸陸平、奏牘稱二百年未有之災、先是、獻人汪宗孝者、客居、夢文皇帝召治水、宗孝辭、文皇色不懌、因請乃已、踰年、果治水、十一月、福

州軍獲九郎妻鄧氏一產兩男兩女。

三十七年己酉五月濟南青州二處各產犍牛一隻兩頭三鼻四目二口是年荊鎮地陷遼東地震江西福建同日大水淹死人民各十餘萬山西大旱又民間產女頭面相連身體各別甘肅地震倒違牆二千一百餘丈壓死軍民八百餘人城垣衛舍毀塌無數山東蝗畿南真保諸府蝗旱赤地十里。

三十八年庚戌京師大旱。

三十九年辛亥四月忻神殿災臨洮降桑家牛產一犢人頭人面人口羊耳但紅色無光無眼牛蹄牛身又本桑

剥得羔羊一隻人頭人面羊身。

四十三年乙卯京師地震。

四十四年丙辰蝗旱丹陽人禳蝗以牛豕祀蒲大王蝗即
嚙竹樹萎芻不及五穀有朱姓牲醢已具蝗過而輒寢
其事蝗遂嚙其畝盡。

四十五年丁巳山東西旱蝗八月宣府地震九月湖廣夏
旱秋水蝗蝻蔽天三災並至山東龍關地裂江西漳州
大水十一月陰德殿延禧宮並災冬臨邑紀家窪有異
火每夜分即出大如斗色紅黃動躍高不過二三丈隨
忽散漫如一二人在行輒隨行距太許即止初出儒生

張地內漸流一邑江南龍異自五月下旬起千萬成
群脚尾渡江而南穴處食苗主盡

四十六年戊午四月王陽門外河水三里餘赤如潰血又
四月廣事民婦生一猴二角四齒開元殷家庄堡棧旱
起火九月遼東地震

天啓元年辛酉正月江南大水河以北大旱十二月昭和
殿災六月肇慶府西門王休積家地微坼血水潰出如
突泉狀色紅氣腥穢血射人膚創過地皆溢咸掘地滲
之深四尺皆水七月陝西會寧縣閑寨婦之家產麒麟
一徧身似鹿而作斑文

二年壬戌三月戊申陝西城北門鎖連响三声鎖墜落地
四、五、至無人四月陝西民王進榜家白雄雞生二卵兩
電損禾稼六月宿遷黃河清七月萊州府地震有聲如
獅吼自西北往東南屋瓦皆動是月恠風折木發屋黃
河舟楫皆激岸麓十月有龍見宮中北花房之傍長尺
許有爪無角鱗有碧光耀目縱黑龍潭活之

三年癸亥閏十月沅陵縣民家牯牛生犢一口二頭三尾
殺視一心三腎又豕生四子最後一猪身人腿隻眼鳳
縣有怪鼠長一尺八寸尾大如其長若狸濶尺許兩旁
肉翅腹下無足一在翅之四角前爪趾四後趾五毛細

長色若鹿成群食葦菽逐之帶飛行海寧夾石鎮有庫
中見有蛇兩首三稍似人面橫眼小耳畫出不畏人逐
之入地板下人不收居此室未幾雷震破板視之蛇焦
死先是同邑花行徐氏家人偶見兩頭蛇道傍能左右行
以為不祥急走避之無恙滁陽王廟貌宏敞或有以丈廟
額地請以其材葺治方舉工廟中人直見有白衣婦人
倚供案哭極哀即之不得人靜復哭如是數日衆懼事
遂寢

四年甲子二月地震杭草橋門陳醫者產兒一首前後兩
面眉目鼻口各具一身乃四足哭則兩口舌相應無有

一哭一不哭者、踰數日死

五年乙丑、海鹽陸氏主人無故忽心疑、握粟卜、無不吉、已終疑、復卜、復吉、一日、忽見犬登牀卧其榻、益恨卜之、又吉、有漁者在見其屋頂有四披髮人飛行不止、早告之、閭室驚震不能已、召卜人到家卜、又無不吉、一夕、堂寢突無遺

六年丙寅五月六日辰刻、王恭殿突有聲如天崩地裂、空中塵火土木紛飛、繼聞頽垣裂墜之聲不絕、震壓冲擊、死者不可勝計、沿近屋舍人民已無餘類、火藥人役止存淨身吳二一人云、人從風生、定樹盡拔、巢樓飛去、而

庫中軍器如故。時皇極殿方大二匝，雖最高，無墮地死者。皇三子方二歲，受驚驚斃。乾清上所居，落窓格二扇，傷內侍二人。又薊門地震，雲中廣靈縣為甚。朝天宮、火宮係百官習禮之處，京師地震，天津三衛宣大同日地震。七月，遼陽水災，禾黍蕩沒，垣牆頽爛，官舍民居倒敗無計。天壽山、皇城神路橋梁、紅門、牆垣、博岸俱被冲倒。延緩清潤人畜沉沒多死。八月，登州衛南樓火。十月，西華門積朽生烟，講經臺後有土堆，廣數丈，高數尺，見出烟如縷，發之，瓦石間穢積，濕香如絮，焦者如炭，欬然未然。氣騰如炊，皇極殿初成，有怪鳥大如鵝，鶴，夜鳴似梟，非。

泉聞者為震動毛豎飛不止

七年丁卯正月南京地震二月青州王九常家耕牛產麟
碧色朱唇偏身鱗甲產時有光閃爍母牛驚跳吼啐不
逾時死四月山場逼近皇陵失火延燒四十餘里

崇禎元年戊辰正月榮澤縣郭村里中忽有氣雲現出大城
門堞畢具二時方滅

九年丙子五月重慶董瞿昌進白兔枕較塲橋有諸生

陳珠者負殊力可

以

手提千五百斤額列眉兩行相去

寸許在上者更豐秀脩美當以巾噴掩之又花市吳壽
仲有文名其婦孕廿四月而生子桐鄉王婦懷孕踰期

不育一年後左脇腫覺微疼久之腐反不覺
如瓶口兒從裂處產出面目肢體如常見亦
兒在腹已十八月不處久之完好如故則此

十二年己卯西京河東西及陝西大旱饑

十四年辛巳開封有散人褚生者諳術數言多不經人或
以為妄九月之望告所知吾當水死輒詣河自沉里人
急挽起之復曰吾此去明年今日城中人盡從我
夜竟伺聞入水死至壬午之此日果有決河之變

十五年壬午曹縣北門民家產一男兩頭頭似獬虎口眼
有角一身人形手長過膝尚活能食官以聞未幾死

具報

十六年癸未、李賊將發、嶺後、聞空、中大驚、若雷、而此二月
之八日、上親祀社稷、值半、忽大風雪、黃幢破飛、侍
持之、始得行礼、庭燎皆滅、以中五色土皆飛、尽五月晦、
延張真人主、照奉先殿、日午、無雨而震、從殿西南、鴟吻
中火起、似有物下、繞殿三匝、隱隱有聲、頃從殿上、漏額
中、隱去、從未置、屬多、劍懸其背、鉄看而銅板時、柄已
鏽、為汁矣、劍墮、冬、大疫、中者皆不能言、三日死、無
算、俗傳為思市、門貯水、沉銀錢、交易、

十七年甲申、正月朔、大風、霾、占曰、風從乾上起、主暴兵、破

城鳳陽地震三次閭閻丁卒建泰方出師大風沙行不數武興竿折

弘光初立十月南京上

安鳳陽皇城臺平地一日三震

有聲如雷十一月

民家有驢忽作言明年五月春

飼驢者四顧驚呼主人出驢向主人而作是語字有紛不翻自是不言驢鳴如故主人恐不祥捨放生祠時江南有崇告閭壽亭而往殺人者一猪首三諫不熟餘血淋漓如初市殺人者曰神不許乎吾必往究竟被殺者與殺之者兩盡有朱姓者載終縛承已投刀身首異備馳地數匝繞逐之外死

乙酉春三月十四日、嘉興府城直、忽五色土、塗闌闌、計接、
簾環可數十餘里、雖曲巷湫隘、無不及之、塗屢為狀、不、
一方圓曲直、絕無文理、在城中、不過數十餘家、

能得其故、嚴緝不得其人、念此數十萬家門、豈無經行、
耳目、且此非一手可、將不可踪跡、余客木觀見之、智、
公塔基、國初改為孝陵、另為寺、歲例祀部堂上官代祭、
弘光中、更委祠祭司、主之甫入寺、而左右廡一、羅漢像、
搖頭者、再祠祭驚、眩問左右皆見、移刻復搖、若、
甚不然、一斯究如故、